



PRIMA SEDUTA URDINARIA PER U 2017

U 23 è u 24 di FERRAGHJU

N° 2017/O1/010

DUMANDA À BOCCA SPOSTA DA U GRUPPU « CORSICA LIBERA »

UGETTU : Cuntinuità di a scularizazione bilingua da u primariu à u secundariu.

O sgiò Cunsigliere in carica di a lingua corsa,

A cursufunizazione di a ghjuventù hè in core à a nostra pulitica linguistica postu chì a cuntinuità di a scularità bilingua da a scola materna à u liceu hè una di e cundizione di a riescita di stu scopu maiò.

Dapoi parechji anni, più o menu 25% di i zitelli di CM2 sò scularizati in bilinguu. 60% di sti zitelli ghjunghjenu à u livellu A2. Accantu à elli, mancu 44% di i zitelli di l'altre filiere ghjunghjenu à un livellu A1. Ramintemu chì u livellu nurmale di maestria d'una lingua hè u livellu B2. In sesta, mancu a medità di i zitelli scularizati in una filiera bilingua entrenu in una sesta bilingua.

Stu custattu qualitativu è quantitativu palesa quant'ellu hè di primura à sviluppà l'insignamentu di modu immersivu. Ma dinù di custruisce è di garantisce a cuntinuità di i parcorsi cù un'ufferta di qualità. Ghjè u sensu di e misure di u Pianu Lingua 2020.

A nostra dumanda serà dunque à trè livelli.

À chì ne simu di e discussione cù u Statu in quant'è à a messa in ballu d'un pianu di furmazione di l'insignanti di e discipline ch'un sò linguistiche ?

À chì ne simu dinù di i studii nant'à e mutivazione di e famiglie è di l'azione ripetuta è chjucuta per a so infurmazione in e scole è in i stabbilimenti ?

À chì ne simu dinù di l'integrazione di u bilinguisimu per tutti, ancu per esempiu per i giuvanotti di e filiere CHA, scole à urarii assestati, chì à spessu ùn ricevenu mancu un insegnamentu di corsu ?

À ringrazia vi.